



ШИНЖЛЭХ УХААН, ТЕХНОЛОГИЙН ИХ СУРГУУЛЬ
**ЭРЧИМ ХҮЧНИЙ
ИНЖЕНЕРЧЛЭЛИЙН СУРГУУЛИЙН
ЗАХИРЛЫН ТУШААЛ**

2025 оны 06 сарын 13 өдөр

Дугаар А/40

Улаанбаатар хот

Төвийн захирлыг сонгон шалгаруулах
үйл ажиллагааны удирдамж, комиссын гишүүдийг
батлах тухай

ШУТИС-ийн Ректорын 2025 оны 06 дугаар сарын 06-ны өдрийн “Сургалт, судалгааны төв байгуулах тухай” А/193 дугаар тушаалыг үндэслэн ТУШААХ нь:

1. “Сэргээгдэх эрчим хүчний туршилт, үйлдвэрлэлийн парк” төвийн захирлын сонгон шалгаруулалтын удирдамжийг Хавсралт 1-ээр, захирлын зөвлөлийн гишүүдээс бүрдсэн урьдчилсан шалгаруулалтын комиссын гишүүдийг Хавсралт 2-оор тус тус баталсугай. (Хавсралт 4 хуудас)

2. Батлагдсан удирдамжийн дагуу сонгон шалгаруулалтыг зохион байгуулахыг урьдчилсан шалгаруулалтын комиссын гишүүдэд үүрэг болгосугай.

ЗАХИРАЛ



Бя.БАТ-ЭРДЭНЭ

13 ЭХИС-ийн захирлын 2025 оны 06-р сарын
-ны өдрийн 1/40 тоот тушаалын хавсралт 1



“Сэргээгдэх эрчим хүчний туршилт, үйлдвэрлэлийн парк” төвийн захирлын сонгон шалгаруулалтын удирдамж

Нэг. Ерөнхий үндэслэл

Энэхүү удирдамж нь “Сэргээгдэх эрчим хүчний туршилт, үйлдвэрлэлийн парк” төвийн захирлын албан тушаалд нэр дэвшигчийг сонгон шалгаруулах зорилго, шалгаруулалтын зарчим, шалгуур үзүүлэлт, зохион байгуулалт, хэрэгжүүлэх үйл явц, үнэлгээний аргачлалыг тодорхойлно.

Хоёр. Сонгон шалгаруулалтын зорилго

Тус төвийг шинжлэх ухаан, технологи, судалгаа хөгжүүлэлт, инновац, олон улсын хамтын ажиллагаа, салбарын манлайллын чиглэлээр удирдан зохион байгуулах чадвартай, өндөр ёс зүй, мэдлэг, туршлага бүхий захирлыг сонгон шалгаруулахад оршино.

Гурав. Захирлын үндсэн чиг үүрэг

- Төвийн хөгжлийн бодлого, стратегийг боловсруулах, хэрэгжүүлэх
- Судалгаа, туршилт, инновацын төслүүдийг удирдан зохион байгуулах
- Төсөл, хөтөлбөрийн хөрөнгө оруулалтыг татах, гадаад дотоод хамтын ажиллагааг хөгжүүлэх
- Санхүү, хүний нөөц, төвийн өдөр тутмын үйл ажиллагааг зохион байгуулах
- Сэргээгдэх эрчим хүчний салбарын шинжлэх ухаан, үйлдвэрлэл, технологийн хөгжлийг дэмжих, судалгааны ажлыг удирдан чиглүүлэх
- Судалгааны үр дүнг бодит үйлдвэрлэлд нутагшуулах, хэрэглээнд нэвтрүүлэх үйл ажиллагааг удирдах

Дөрөв. Сонгон шалгаруулалтад оролцогчид тавигдах шаардлага

1. Ерөнхий шаардлага:

- Монгол Улсын иргэн байх
- Эрүүл мэндийн хувьд ажил үүргээ гүйцэтгэх чадвартай
- Ял шийтгэлгүй байх, төрийн албанд ажиллах эрх хязгаарлагдаагүй байх

2. Боловсрол, мэргэжлийн шаардлага:

- Эрчим хүч, сэргээгдэх эрчим хүч, инженер, байгаль орчин, менежмент болон түүнтэй адил төстэй мэргэжлээр магистр болон түүнээс дээш зэрэгтэй байх
- Судалгаа, хөгжүүлэлт, төслийн удирдлага, байгууллагын удирдлагын чиглэлээр 5-аас дээш жилийн ажлын туршлагатай байх
- Гадаад хэлний зохих мэдлэгтэй байх



3. Ур чадварын шаардлага:

- Манлайлах чадвар, багаар ажиллах болон тэнхим хоорондын хамтын ажиллагааг зохион байгуулах ур чадвартай байх
- Стратеги төлөвлөлт, шийдвэр гаргалт, асуудал шийдвэрлэх чадвартай байх
- Санхүүгийн зохистой менежмент хийх чадвартай байх
- Сэргээгдэх эрчим хүчний чиглэлээр төсөл, хөтөлбөрт оролцож байсан туршлагатай байх
- Судалгаа шинжилгээний ажлын туршлагатай байх нь давуу тал болно

Тав. Бүрдүүлэх материал

- Сонгон шалгаруулалтад оролцох тухай хүсэлт
- Анкет, товч намтар (CV)
- Боловсрол, мэргэжлийн диплом, гэрчилгээ, батламжийн хуулбар
- Ажлын туршлага, гүйцэтгэсэн төслүүдийн тайлан, эрдэм шинжилгээний бүтээлийн жагсаалт
- Иргэний үнэмлэхийн хуулбар
- Судалгаа хөгжүүлэлтийн болон бизнесийн 3-5 жилийн хөгжлийн бодлогын санал, төсөөлөл (2-3 хуудас)

Тайлбар: Бүрдүүлсэн баримт бичгийг нотариатаар баталгаажуулсан байхыг шаардахгүй бөгөөд баримт бичгийн үнэн зөвийг хүсэлт гаргасан иргэн өөрөө бүрэн хариуцна.

Нэр дэвшигч нь төвийн түшиглэн ажиллах Улаанбаатар хотын Налайх дүүргийн 3-р хороонд байрлах "Нар болон салхины эрчим хүч хуримтлуулах төв"-ийн техникийн бичиг, баримттай ШУТИС-ийн хичээлийн 2 дугаар байрны 619 тоот өрөөнд ирж танилцах боломжтой.

Зургаа. Сонгон шалгаруулалтад оролцох хүсэлтийг хүлээн авах, бүртгэх, шалгаруулах, шийдвэр гаргалт

1. Материал хүлээн авах: Сонгон шалгаруулалтад оролцохыг хүссэн иргэн бүрдүүлсэн баримт бичгийг дугтуйнд хийж битүүмжлэн, ШУТИС-ийн хичээлийн 2 дугаар байрны 619 тоот өрөөнд (Эрчим хүчний инженерчлэлийн сургуулийн захирлын туслах)-д өөрийн биеэр хүлээлгэн өгнө. Хүлээн авах хугацаа: 2025 оны 06-р сарын 16-ны өдрийн 09:00 цагаас 06-р сарын 20-ны өдрийн 12:00 цаг хүртэл. (Ажлын өдрүүдэд), Холбоо барих утас: 11-323579 (Ажлын цагаар).
2. Захирлын зөвлөлийн гишүүдээс бүрдсэн урьдчилсан шалгаруулалтын комисс нэр дэвшигчийн ирүүлсэн материалтай танилцаж, нэр дэвшигч тус бүрээр материалын бүрдэл, 4-р хэсэгт заасан оролцогчид тавигдах шаардлагуудыг хангасан эсэхийг нягтална.
3. Ярилцлага, илтгэл: Захирлын зөвлөлийн хуралд нэр дэвшигч бүр илтгэл тавьж хийх ажлын төлөвлөгөөгөө танилцуулна. Хурлын төгсгөлд нэр дэвшигч бүрд өгөх үнэлгээг 7-р хэсэгт заасан үнэлгээний аргачлалаар нууц санал хураалтаар авна.



4. Нэр дэвшигч бүрээр дундаж оноог гаргана.
5. Шалгаруулалтын эцсийн дүнг гарган танилцуулна. Хамгийн өндөр оноо авсан нэр дэвшигчийг сонгон нэрийг ШУТИС-н Эрдэм шинжилгээ, инновац эрхэлсэн проректор, Инновац, бизнес түншлэлийн албанд хүргүүлнэ.

Долоо. Үнэлгээний аргачлал

Үзүүлэлт	Оноо
Боловсролын зэрэг, мэргэжлийн туршлага	30
Манлайлал, ур чадвар	20
Хөгжлийн бодлогын санал	20
Судалгаа шинжилгээний туршлага	10
Асуулт, хариултын үр дүн	10
Гадаад хэлний мэдлэг	10
Нийт	100

Найм. Бусад

- Бүрдүүлсэн материалд хуурамч мэдээлэл илэрвэл нэр дэвшигчийг шууд хасна.
- Сонгон шалгаруулалт ил тод, шударга, тэгш боломжийн зарчмаар явагдана.
- Захирлын зөвлөлийн гишүүдийн хурлын шийдвэрээр батална.

ЭХИС-ийн захирлын 2025 оны 06-р сарын
13-ны өдрийн 11/40 тоот тушаалын хавсралт 2



**“Сэргээгдэх эрчим хүчний туршилт, үйлдвэрлэлийн парк” төвийн
захирлыг сонгон шалгаруулах урьдчилсан комисс**

Урьдчилсан комиссын бүрэлдэхүүн:

Дарга: М.Ганхүлэг, Шинэ, сэргээгдэх эрчим хүчний тэнхимийн
эрхлэгч, Доктор

Гишүүд: Ш.Гантөмөр, Цахилгааны инженерийн тэнхимийн эрхлэгч,
Доктор, дэд профессор

П.Бямбацогт, Дулаан хангамж, автоматжуулалтын
тэнхимийн эрхлэгч, Доктор